

Na osnovu člana 2. stav 1 tč.2 i člana 14 Zakona o komunalnim djelatnostima (Sl.BiH br. 20/90 i 13/94) i člana 25. Statuta općine Vitez («Službeni glasnik općine Vitez» broj 4/98) Općinsko vijeće Vitez na sjednici održanoj 11.09.2002.godine, donosi

ODLUKU o načinu upravljanja i korištenja vodovoda u Vitezu

Član 1.

Ovom odlukom regulišu se uslovi i način snabdjevanja građana, pravnih i drugih subjekata (u daljnjem tekstu: potrošači vode) pitkom vodom iz javnog vodovoda u Vitezu, način upravljanja, korištenja i održavanja vodovoda, kao i druga pitanja bitna za njegovo funkcionisanje te redovno snabdjevanje dovoljnim količinama vode.

Član 2.

Vodovod u Vitezu (u daljnjem tekstu: javni vodovod) je komunalni objekt, kojim upravlja i javno komunalno preduzeće iz Viteza (u daljnjem tekstu: komunalno preduzeće). U svrhu boljeg i racionalnijeg upravljanja vodovodom, Komunalno preduzeće treba raspolagati sa odgovarajućim stručnim kadrom i opremom koji će osigurati pravilno korištenje i funkciju javnog vodovoda, te postojeće potrebne katastre, nacрте, projektну i drugu dokumentaciju koja se odnosi na vodovod.

Član 3.

Pravo korištenja vodovoda i priključaka na isti imaju svi potrošači vode na području općine Vitez i ostali po odluci Općinskog vjeća, pod uslovima utvrđenim u ovoj odluci vodeći računa o raspoloživim kapacitetima i količinama vode i drugim tehničkim mogućnostima vezanim za eksploataciju i snabdjevanje vodom.

Član 4.

Komunalno preduzeće je dužno na zahtjev investitora preuzeti novoizgrađene objekte ili uređaje vodovoda ako su izgrađeni na osnovu građevinske dozvole i ako su tehnički ispravni, pod uslovima utvrđenim posebnim ugovorom, koji se sklapa između ovog preduzeća i investitora.

Član 5.

Stambeni ili poslovni objekti koji su izgrađeni bez građevinske dozvole, a takvu dozvolu moraju imati, ne mogu biti priključeni na javni vodovod.

Potrošači vode mogu biti priključeni na javni vodovod samo po prethodno izdatom odobrenju za priključak od strane ovog preduzeća.

Komunalno preduzeće može izdati odobrenje za priključak samo po prethodno pribavljenoj saOglasnosti savjeta mjesne zajednice, a izdavati će se uz saradnju odbora za izgradnju vodovoda.

Potvrda iz prethodnog stava traži se samo za one mjesne zajednice, odnosno korisnike, koji su vlastitim sredstvima izgradili glavni cjevovod i ulične dovodne vodove.

Član 6.

Na jedan priključak na vodu ne mogu biti priključena dva ili više potrošača vode, osim ako se radi o cjelini, jedinstvu i nedjeljivosti građevinskog objekta u kome se nalaze dva ili više potrošača vode.

O tome koliko se može potrošača vode priključiti na jedan priključak određuje Komunalno preduzeće.

Privredni i poslovni objekti kojima je voda prijeko potrebna za obavljanje djelatnosti moraju imati posebni vodomjer.

Član 7.

Priključak se uspostavlja i izvodi po izvođačkom projektu. Komunalno preduzeće radi projekt ili ovjerava ispravnost projekta, određuje vrstu, kvalitetu materijala i nabavu, te vrši izvođenje radova na priključku.

Montažerski radovi na izradi priključka na vodovodnu mrežu ne mogu se povjeriti drugim izvođačima.

Član 8.

Za priključak na vodovod potrošači korisnici vode plaćaju za svaki pojedinačno obavljeni priključak naknadu (taksu) za rekonstrukciju i izgradnju primarnih kapaciteta vodovoda. Osnov za utvrđivanje naknade je promjer vodomjera.

Visinu naknade iz prethodnog stava utvrđuje Općinsko vijeće, a na prijedlog Komunalnog preduzeća.

Prikupljena sredstva po ovom osnovu isključivo se mogu koristiti za izgradnju i rekonstrukciju primarnih kapaciteta vodovoda.

Član 9.

Građani koji su vlastitim sredstvima izgradili glavni cjevovod i ulične dovodne vodove (mrežu), plaćaju naknadu iz prethodnog člana u visini 45% utvrđene naknade.

Član 10.

U cilju utvrđivanja količina utrošene vode svaka unutrašnja vodovodna instalacija na spoju sa priključkom mora imati instaliran vodomjer.

Između priključka na cijev javnog vodovoda i vodomjera ne smije se postavljati ogranak (bajpas) putem kojeg se može vršiti neregistrovana potrošnja vode iz javnog vodovoda.

Održavanje, baždarenje i opravku vodomjera, te vođenje registra i potrebnih evidencija o priključcima i vodomjerima vrši Komunalno preduzeće.

Član 11.

Komunalno preduzeće određuje tip spremišta-šahta za vodomjer, koji se mora izvesti po tehničkim propisima.

Vodomjer u šahtu mora biti određenog tipa, određenog od strane komunalnog preduzeća, zaštićen od fizičkog oštećenja, mraza, krađe, a ukoliko je poklopac na šahtu zaključan, jedan primjerak ključa čuva Komunalno poduzeće.

Ako usljed neosiguranja vodomjera na način propisan stavom 2. ovog člana nastupi šteta, nju snose potrošači-korisnici, odnosno vlasnici.

Član 12.

Komunalno preduzeće dužno je:

- trajno i nesmetano vršiti vodosnabdjevanja potrošača-korisnika na način i prema normativima propisanim ovom odlukom i drugim propisima
- obezbjediti ipravnost i funkcionalnost vodoopskrbnih objekata i uređaja,
- obezbjediti određenu kvalitetu vodosnabdjevanja koja podrazumjeva naročito zdravstvenu i higijensku ispravnost prema propisanim standardima i normativima.

Član 13.

Komunalno preduzeće dužno je putem sredstava javnog informisanja ili na drugi način obavijestiti potrošače korisnike vode o planiranim ili očekivanim smetnjama i prekidima, koji će nastati ili mogu nastati u pružanju vodosnabdjevanja usluge najkasnije tri dana prije očekivanog prekida u pružanju te usluge.

Član 14.

U slučaju nastupanja poremećaja ili prekida u pružanju vodosnabdjevanja, komunalno preduzeće dužno je o tome obavijestiti Općinsku službu za upravu nadležnu za komunalne poslove i istovremeno preduzeti mjere za otklanjanje uzroka poremećaja i obezbjeđenje pružanja te usluge.

Član 15.

Kada Općinska služba za upravu nadležna za komunalne poslove primi obavijest iz prethodnog člana, odnosno utvrdi da je došlo do poremećaja ili prekida u vodosnabdjevanja, dužno je:

1. odrediti red prvenstva i način vodosnabdjevanja onim potrošačima-korisnicima kod kojih bi usljed prekida nastala opasnost po život i rad građana ili rad preduzeća, ustanova ili bi nastala nenadoknadiva šteta,
2. narediti mjere zaštite uređaja i opreme vodovodnog sistema i druge ugrožene imovine,
3. preduzeti mjere za otklanjanje nastalih posljedica i druge potrebne mjere za daljnje pružanje vodosnabdjevanja,
4. utvrditi razloge i eventualnu odgovornost za poremećaj, odnosno prekid vršenja vodosnabdjevanja i učinjenu štetu.

Član 16.

U postupku izdavanja odobrenja za građenje komunalno preduzeće neće dozvoliti:

- izvođenje bilo kakvih građevinskih radova ili izradu građevinskih objekata na glavnom vodovodu u pojasu širokom 5 m,
- izgradnju septika koji nisu dobro izolirani od procurivanja na glavnom vodovodu u pojasu širokom 15m.

Objekti izgrađeni suprotno od prethodnog stava moraju se sanirati o trošku vlasnika odnosno korisnika.

Član 17.

Vlasnici i korisnici zemljišta duž trase glavnog vodovoda dužni su dozvoliti prijelaz preko njihova zemljišta radi obavljanja radova tehničkog i privrednog održavanja vodovodnog sistema.

Lica iz stava 1. ovog člana imaju pravo na naknadu stvarne štete, a ako se ne postigne sporazum o visini naknade odlučuje nadležni sud.

Član 18.

Ukoliko dođe do kvara pa vodomjer ne registruje potrošnju, ili oštećenja vodomjera, potrošač-korisnik dužan je idućeg dana izvjestiti Komunalno preduzeće koje je obavezno u roku od tri dana izvršiti popravak ili zamjenu vodomjera, pod uslovom da potrošač-korisnik redovno plaća utvrđenu cijenu za isporučenu vodu i naknadu za održavanje i popravak vodomjera.

Dok je vodomjer u kvaru potrošač vode plaća paušalnu naknadu za korištenje vode izračunate na bazi prosječne potrošnje u istom razdoblju kad je vodomjer radio.

Iznimno odredbama prethodnog stava, ako se radi o kvaru ili neispravnosti vodomjera ili je vodomjer vraćen unazad, a potrošač vode kvar nije prijavio, a koristi vodu nenamjenski, naknada iz prethodnog stava uvećava se za 500%.

Član 19.

Potrošači-korisnici vodosnabdjevanja dužni su redovno plaćati utvrđenu cijenu za isporučenu i obračunatu vodu putem ispostavljenih računa izravno u komunalnom preduzeću akontativno mjesečno.

Potrošač vode koji koristi vodu preko jednog vodomjera u domaćinstvu i za obavljanje uslužnih djelatnosti, utrošenu vodu plaća po jedinstvenoj višoj cijeni.

Član 20.

Vodosnabdjevanje s javnog vodovoda uskraćuje se potrošaču-korisniku ako:

- se priključi na javni vodovod bez odobrenja nadležnog općinskog tijela odnosno Komunalnog preduzeća,
- nenamjenski bez mjernog uređaja koristi vodu,
- ne plati isporučenu vodu pod uslovom da to tehničke mogućnosti dozvoljavaju.

Član 21.

Da bi prestali razlozi uskraćenja vodosnabdjevanja potrošači-korisnici su dužni:

- platiti neregistrovanu potrošenu vodu iz člana 10. stav 2. shodno čl. 18. st. 3. ove Odluke,
- nadoknaditi eventualno pričinjenu drugu štetu na instalacijam vodovoda,
- nadoknaditi troškove ponovnog uključjenja na vodovod.

Po prestanku razloga uskraćenja vodosnabdjevanja Komunalno preduzeće dužno je na zahtjev korisnika u roku od 3 dana nastaviti pružati snabdjevanje vodom.

Član 22.

U svrhu održavanja čistoće i zaštite vodovodnih objekata, uređaja kao i namjenske potrošnje vode, zabranjuje se:

1. na javnim česmama pojenje stoke, pranje rublja, motornih vozila, te slični vidovi nenamjenskog trošenja vode,
2. nepotrebno ostavljanje otvorenih javnih česama, javnih hidranata i drugih vodoispusta,
3. oštećivanje, demontiranje i nepravilno korištenje mreže, postrojenja, uređaja (okretanje vodomjera unazad, skidanje plombi) i instalacija vodovoda,
4. bespravno i nenamjenski korištenje vode iz vodovoda,

5. bespravan pristup u ograđeni i zaštićeni prostor izvorišta, spremnika i drugih postrojenja vodovoda,
6. izvođenje svih vrsta bespravnih radova na trasi glavnog vodovoda i zauzimanje trase raznim depoima i lagerima raznog materijala otpadnih i drugih tvari.

Član 23.

Za prekršaj iz člana 5., 10. i 22. ove Odluke pravana osoba kaznit će se novčanom kaznom u iznosu od 2.500,00 KM do 5.000 KM, a odgovorna osoba u iznosu od 500,00 do 2.000,00 KM.

Fizička osoba za učinjeni prekršaj iz prethodnog stava kaznit će se u iznosu od 300 KM do 500,00 KM.

Ukoliko prekršaj iz prethodnog stava učini maloljetna osoba, odgovoran je roditelj, odnosno staratelj maloljetnika.


Član 24.

Nadzor nad provođenjem ove Odluke obavljati će općinski organ nadležan za komunalne i inspeksijske poslove.

Član 25.

Ova Odluka stupa na snagu osmog dana od objave u "Službenom glasniku općine Vitez".

Broj:01-3-05-11-75/02
Vitez, 11.09.2002.godine



OPĆINSKO VIJEĆE

Broj:01-3-05-4-2161/15
Vitez, 6.7.2015. godine

Na osnovu člana 3. stav 1. tačka a) Zakona o komunalnim djelatnostima ("Službene novine SBK/KSB" broj 13/13) i člana 24. Statuta općine Vitez ("Službeni glasnik općine Vitez" broj 5/08) Općinsko vijeće na sjednici održanoj dana 6.7.2015. godine **d o n o s i**

**ODLUKU O IZMJENAMA I DOPUNAMA
ODLUKE O NAČINU UPRAVLJANJA I
KORIŠTENJA VODOVODA U VITEZU**

Član 1.

U Odluci o načinu upravljanja i korištenja vodovoda u Vitezu ("Službeni glasnik općine Vitez", broj 5/02) iz člana 22. dodaje se član 22. a) koji glasi:

"Zbog nepovoljnih hidroloških prilika i nedovoljne izdašnosti izvorišta voda a u cilju održivosti i stabilnosti vodovodnog sistema mogu se uvesti mjere redukcije korištenja vode od strane JKP "Vitkom"-a koji upravlja vodovodom u Vitezu.

U slučaju uvođenja redukcije u korištenju vode iz stava jedan ovog člana zabranjuje se:

- *zalijevanje zelenih javnih površina, fudbalskih igrališta, pranje automobila i drugih vozila;*
- *zalijevanje privatnih površina kao što su: dvorišta, okućnice i navodnjavanje poljoprivrednih površina;*
- *korištenje vode za punjenje i pranje bazena i sl. objekata koje služe za rekreaciju."*

Član 2.

Iza člana 23. Odluke dodaje se novi član 23.a koji glasi:
"Za prekršaj iz člana 22.a Odluke pravna osoba za učinjeni prekršaj kazniti će se novčanom kaznom u iznosu od 500,00 KM do 1.000,00 KM, a odgovorno lice u pravnoj osobi kazniti će se novčanom kaznom u iznosu od 50,00 KM do 500,00 KM.

Fizičko lice za učinjeni prekršaj iz prethodnog stava kazniti će se novčanom kaznom u iznosom od 30,00 KM do 100,00KM.

OPĆINSKO VIJEĆE

Broj:01-3-05-4-2161/15
Vitez, 6.7.2015. godine

Na temelju članka 3. stavak 1. točka a) Zakona o komunalnim djelatnostima ("Službene novine KSB/SBK" broj 13/13) i članka 24. Statuta općine Vitez ("Službeni glasnik općine Vitez" broj 5/08) Općinsko vijeće na sjednici održanoj dana 6.7.2015. godine **d o n o s i**

**ODLUKU O IZMJENAMA I DOPUNAMA
ODLUKE O NAČINU UPRAVLJANJA I
KORIŠTENJA VODOVODA U VITEZU**

Članak 1.

U Odluci o načinu upravljanja i korištenja vodovoda u Vitezu ("Službeni glasnik općine Vitez", broj 5/02) iz članka 22. dodaje se članak 22. a) koji glasi:

"Zbog nepovoljnih hidroloških prilika i nedovoljne izdašnosti izvorišta voda a u cilju održivosti i stabilnosti vodovodnog sustava mogu se uvesti mjere redukcije korištenja vode od strane JKP „Vitkom“-a koji upravlja vodovodom u Vitezu.

U slučaju uvođenja redukcije u korištenju vode iz stava jedan ovog članka zabranjuje se:

- *zalijevanje zelenih javnih površina, nogometnih igrališta, pranje automobila i drugih vozila;*
- *zalijevanje privatnih površina kao što su: dvorišta, okućnice i navodnjavanje poljoprivrednih površina;*
- *korištenje vode za punjenje i pranje bazena i sl. objekata koje služe za rekreaciju."*

Članak 2.

Iza članka 23. Odluke dodaje se novi članak 23.a koji glasi:
"Za prekršaj iz članka 22.a Odluke pravna osoba za učinjeni prekršaj kazniti će se novčanom kaznom u iznosu od 500,00 KM do 1.000,00 KM, a odgovorno lice u pravnoj osobi kazniti će se novčanom kaznom u iznosu od 50,00 KM do 500,00 KM.

Fizička osoba za učinjeni prekršaj iz prethodnog stava kazniti će se novčanom kaznom u iznosom od 30,00 KM do 100,00KM.

Lice koja obavlja samostalnu poslovnu djelatnost – obrt za učinjeni prekršaj iz stava jedan ovog člana kazniti će se u iznosu od 100,00 KM do 500,00 KM. Ukoliko prekršaj iz predhodnog stava učini maloljetno lice, odgovoran je roditelj odnosno staratelj maloljetnika.”

Član 3.

Ova Odluka stupa na snagu osmog dana od dana objavljivanja u “Službenom glasniku općine Vitez.”

**PREDSJEDNIK
OPĆINSKOG VIJEĆA
Tomislav Bošnjak-Matić**

OPĆINSKO VIJEĆE

Broj:01-3-05-2-2162/15
Vitez, 6.7.2015. godine

Na osnovu člana 382. Zakona o javnim preduzećima („Službene novine FBiH“ broj 8/05, 81/08, 22/09 i 109/12), člana 317. Zakona o privrednim društvima FBiH („Službene novine FBiH“ broj 23/99, 45/00, 2/02, 6/02, 29/03, 68/05, 91/07, 84/06, 88/08, 7/09, 63/10 i 75/13), člana 1. stava 2. alineja 3. Odluke o izmjeni i dopuni Odluke o organizaciji JSP „Vitez-stan“ d.o.o. Vitez („Službeni glasnik općine Vitez“ broj 5/14) i člana 24. Statuta općine Vitez („Službeni glasnik općine Vitez“ broj 5/08), Općinsko vijeće na svojoj 27. sjednici održanoj 6.7.2015. godine, **donijelo je**

ODLUKU

**o davanju saglasnosti na odluku Skupštine društva
JSP „VITEZ-STAN“ d.o.o Vitez o usvajanju
statuta**

Član 1.

Općinsko vijeće Vitez u svojstvu osnivača JSP „Vitez-stan“ d.o.o Vitez daje saglasnost na odluku Skupštine društva JSP „Vitez-stan“ d.o.o Vitez broj:03-169/15 od 03.06.2015.godine odnosno na usvajanje Statuta.

Osoba koja obavlja samostalnu poslovnu djelatnost – obrt za učinjeni prekršaj iz stavka jedan ovoga članka kazniti će se u iznosu od 100,00 KM do 500,00 KM. Ukoliko prekršaj iz prethodnog stavka učini maloljetno lice, odgovoran je roditelj odnosno staratelj maloljetnika.”

Članak 3.

Ova Odluka stupa na snagu osmoga dana od dana objave u “Službenom glasniku općine Vitez.”

**PREDSJEDNIK
OPĆINSKOG VIJEĆA
Tomislav Bošnjak-Matić**

OPĆINSKO VIJEĆE

Broj:01-3-05-2-2162/15
Vitez, 6.7.2015. godine

Na temelju članka 382. Zakona o javnim poduzećima („Službene novine FBiH“ broj 8/05, 81/08, 22/09 i 109/12), članka 317. Zakona o gospodarskim društvima FBiH („Službene novine FBiH“ broj 23/99, 45/00, 2/02, 6/02, 29/03, 68/05, 91/07, 84/06, 88/08, 7/09, 63/10 i 75/13), članka 1. stavka 2. alineja 3. Odluke o izmjeni i dopuni Odluke o ustrojstvu JSP „Vitez-stan“ d.o.o. Vitez („Službeni glasnik općine Vitez“ broj 5/14) i članka 24. Statuta općine Vitez („Službeni glasnik općine Vitez“ broj 5/08), Općinsko vijeće na svojoj 27. sjednici održanoj 6.7.2015. godine, **donijelo je**

ODLUKU

**o davanju suglasnosti na odluku Skupštine društva
JSP „VITEZ-STAN“ d.o.o Vitez o usvajanju
statuta**

Članak 1.

Općinsko vijeće Vitez u svojstvu osnivača JSP „Vitez-stan“ d.o.o Vitez daje suglasnost na odluku Skupštine društva JSP „Vitez-stan“ d.o.o Vitez broj:03-169/15 od 03.06.2015.godine odnosno na usvajanje Statuta.